





9114

16.

1767, 26.

ORDINIS MEDICORVM
IN
VNIVERSITATE LIPSICA
H. T.

PROCANCELLARIVS
D. ANTONIVS GVILIELMVS PLAZ

PATHOL. P. P. ORD. FACVLT. MED. SENIOR DECEMVIR
MAIOR. PRINCIP. COLLEG. COLLEGA ACAD. IMPERIAL.
NATVR. CVRIOS. SOCIVS

PANEGYRIN MEDICAM

AD D. XII. IVN. A. R. G. MDCCLXVII.

I N D I C I T

E T

DE SIGNIS MORTIS ATTENTE EXPLORANDIS
SPECIMINE QVARTO

E X P O N I T.



16

OWENVUS, Distichor. Libr. II. dist. 37.
*Nec te dicentis moueat sententia, sed quid
Dixerit, attendas, qua ratione probet.*





requentissima sunt infanticidiorum crimina. Etiam si enim, non in omnibus prouinciis, nimium duris in eas animaduertatur poenis, quae illiciti amoris propudiosa vtero gerunt documenta, adeo saepe tamen omnem matres nequissimas abnegare experimur humanitatem, vt crimina criminibus cumulare potius, atque vel abortiuis remediis, ante, quam lucem viderint, foetus suos vita priuare, atque vtero eicere tentent, vel viuos editos, violentiore modo, aut summe culposa negligentia peremtos, quo minus turpioris suae vitae testimonia existant, impedire, horumque vita, famam suam redimere conentur. In his ausibus consummandis, ingeniosissimas saepe esse crudelissimas istas meretriculas, plurimorum, ex actis iudicialibus cognoscendorum factorum constat documentis; maxime vero in facinorum suorum atrociam, aut callidius occultanda, aut friuole excusanda, aut praefracte prorsus neganda, incredibilem ipsarum sese prodere proteruiam, ex responsionibus, ad quaestiones inquisitionales datis, luculenter admodum cognoscitur. Innumera propemodum sunt effugia, quibus criminum suorum grauitatem paliare, atque promeritarum poenarum seueritatem auertere student. Vt plurimum, foetum ante partum mortuum fuisse, constanter ab ipsis asseritur, atque adeo multae huius mortis adducuntur causae, vt, nisi

IIII

manifestissimis signis de contrario constiterit, plena istis dictis adhibenda videatur fides, vel certe maxima in corpore delicti obtinere credi possit ambiguitas. Iam enim terror partum praecessisse dicitur, iam casus grauior, aut ponderis grandioris gestatio, foetui mortifera fuisse contenditur, iam in ipso clandestino partu, quem ut plurimum, sine omni licet possibilitatis fundamento, difficilem, praefestinatum tamen fuisse, praetendunt, ob lipothymiam superuenientem, vitae foetus curam haberi non potuisse, excipitur; iam ex morbo pertinaciore, tempore gestationis perpesso, foetus debilitatus, vel plane mortuus asseritur; iam ignorantia funiculi vmbilicalis deligandi, excusationis loco est; *) et quae sunt plura, in quibus callide excogitandis, atque in sui patrocinium adhibendis, fertilis admodum est femellarum istarum malicia, in defensorum potissimum dexteritate nimium secure nixa, quorum studio, se prorsus missas abituras, vana tamen admodum spe, confidunt. Accedit quandoque ipsum obstetricum, serius quidem vocatarum, testimonium, de foetu, ante partum, vel in ipso partus negotio demortuo editum, non adeo tamen semper constans, vt omni dubio carere videatur, non, quod fauore forte inductae, rem aliter pronuntient, sed, quod in signis mortis, accurate satis explorandis, tali, qua hic opus est, nec instructae sint pericia, nec, cum praesentes non fuerint, attenta satis hac in re vt potuerint circumspeditione. Commodissima interim, his dubiis visis circumstantiis, defensoribus subministratur opportunitas, vel totum factum destruendi, vel variis excusationibus, mitissimae pro infanticida sententiae obtinendae, viam parandi. Non iam disquirere lubet, an omnibus, quorum crimina manifesta sunt, defensio sit concedenda, haec enim ad iurisperitorum pertinent forum; hoc tamen, tum rigori naturalium et diuinarum legum, maxime conuenire, tum ipsorum legislatorum iustissimis sententiis recte confirmatum videtur, quod teste CLASENIO: *grauiter peccent, et aliorum delicta in se deriuent, qui illos a suppliciiis liberare tentent, qui mortem promeriti fuerint.* **) Nimium late videlicet, antiquissimum illud extendi saepe solere existimauerim praediu-

*) Huius deligationem, non absolute necessariam esse, IO. HENR. SCHVLZE; in Dissert. Halae 1733. habita, contendit.

**) In Constit. Crimin. Carol. art. 150.

iudicium, fatius esse, decem noxios capitis absoluere, quam vnicum infontem condemnare, aut, medicorum esse, de criminibus mitius iudicandi, argumenta subministrare; cuius opinionis fundamentum, quam parum aequitati legum conueniat, multis haud opus est probare argumentis. Defensiones equidem, si causa dubia fuerit, optimo permittuntur iure, nescio tamen, an in iisdem semper modus ita teneatur, vt et iustitiae fiat satis, et conscientiae defensorum salua dici possit integritas, quandoquidem non raro, ingeniosae suae magis dexteritatis documenta dare student defensores, quam ipsius rei habere videntur rationem. Mihi quidem longe videtur gloriosius, decem reos, criminum rite conuictos, etiamsi non confessos, *) post habita defensione, aliisue effugiis, supplicio tradere, atque ex humana societate eiicere, quam vni, argutis contortisque argumentis a poena liberato, plenissimam, plurium grauiorumque delictorum perpetratorum facere copiam, cum et sola voluntas in opprobrium cadat. Vti vero in omnibus delictorum generibus excusandis, vel certe emolliendis, admodum ingeniosi saepe esse solent defensores, ita et in homicidiis defendendis, cunctisque minutissimisque circumstantiis in fauorem rei defendendis, magna cum dexteritate versari norunt, vel ebrietatem, animumque nimium inde concitatum obtinentes, vel animum occidendi declinantes, vel vulnerum conditionem leuiorem, et accidentalem saltem letalitem extorquentes, vel mentis alienatae statum, ex ipsorum factorum inconcinnitate, aut vndecunque probare studentes; et quae sunt plura strategematum genera, cordatis iudicibus non nisi taediosa et exosa. Omnium frequentissimum, defensionum firmandarum obiectum, sunt relationes medicorum secantium, in quibus infirmandis, dubiis reddendis, corrumpendis, imo et quandoque irridendis, multisque verborum ampullis, casuum prorsus ineptorum, atque nulla ratione applicandorum allegationibus euertendis, ditissima esse defensionum volumina, experientia assatim testatur, dum, quae paucis pagellis exponi poterant, spisso tractatu comprehensa, nihil ta-

*) Non haec mea opinio forte, sed iusta Ictorum est sententia, vberius et solidissime exposita a S. R. et Consultissimo KÜSTNERO, in Progr. *De recognitione personarum et rerum per testes*, paucis abhinc septimanis edito.

VI

men, nisi auctorum testantur verborum, et, quo magis meris hypothesebus, et auctoritatis incongrue applicatae praecudiciis abundant, eo minus argumentorum stringentium ponderis habent. *) Non equidem inficias iri poterit, ipsorum medicorum fecantium culpa quandoque fieri negligentia atque incitia, vt vberissima defensoribus subministratur opportunitas, visorum repertorum veritatem impugnandi, dum in vulneribus, quoad longitudinem, latitudinem, profunditatem, directionem, exacte describendis, locorum vulneratorum situ perspicue indicando, signis et causis mortiferi euentus attente satis explorandis, varii committuntur errores, merito a Collegiis medicis aequae ac a causarum patronis reprehendendi, quamobrem etiam in hanc negligentiam grauius animaduertendum esse voluit mandatum regium, sapientissimo olim consilio promulgatum; **) quodsi vero cuncta momenta, debita cum accurate explorata et consignata fuerint, atque iudicia exinde formata, principiis artis rationalibus respondeant, irrita omnino eorum dicenda est opera, quoniam in scirpo studiosius quaerentes, contra ipsorum factorum veritatem, constantissimis testimoniis et rationibus corroboratam, Andabatarum more insurgunt, ipsiusque iustitiae cursum, Iliade prolixioribus, nihil tamen probantibus scriptiunculis, remorari conantur. Quo minus ergo, vel exactissimae, atque omni dubio superiores medicorum relationes, ab eorum tutae sunt impugnatione, quibus semper aliqua in promptu sunt argumenta, vnde quaque corrasa, euidentissimis

*) Hoc de argumento, solide admodum exposuit MICHAEL ALBERTI, in *systemate iurisprudentiae medicae*, Halae 1725. edito, Tom. I. cap. 18. de *iniquis Aduocatorum stratagematibus, in casibus medicis legalibus*.

**) In hoc mandato, d. d. Dresden, den 29. Jul. 1750. §. 3. ita statuitur: *Da hingegen, die bereits gegenwärtig bestellten Physici, denen es an genügsamer erudition und Fähigkeit zu ermangeln scheinen möchte, von denen Aemtern und Obrigkeiten, zu künftiger mehrerer habilitirung zu ihren Amts-Verrichtungen, durch fleißige application auf die Nacherlern oder Wiederholung derer abgegangenen Wissenschaften, zu förderst ernstlich, und unter der Verwarnung der sonst mit ihren Personen zu gewartenden Aenderung. anzuermahnen. Woferne aber, wie solches von der intendirten Wirkung nicht gewesen, aus denen zurück einlangenden Urtheil und responsis medicis, mehr als einmal abzuziehen, sind sodann dieselben, von denen die Bestallung zukommt, entweder ab officio zu remouiren, oder aber, mit an die Seite gesetzten adiunctis, auf derer unseeligen Physicorum ordinariorum Kosten zu versehen.*

tiffimis testimoniis opponenda, eo maiore cum solertia, in inspectionibus et omnibus, et quam maxime in causa infanticidii instituendis, versandum erit, tum, ut cuncta, quae vel minimam parere poterant contradictionem, aut modo dubitationem, sollicitè vitentur, tum, ut Collegiis medicis, quorum ut plurimum decisioni, ante res committitur, quam sententia in iurisconsultorum dicasteriis feratur, sufficientia subministrantur, omnes dubitationes remouendi, et de veritate rei iudicandi momenta, ex physiologicis et anatomicis principiis petenda; quandoquidem in causa sanguinis, aut negligentius quidquam committere, aut in mitiorem, cum non opus fuerit, ire partem, nunquam opprobrio careat. Non autem id solum agendum, ut cuncta, quae in cadaueribus reperta fuerunt, siue essentialia, siue accidentalialia fuerint momenta, iusto ordine, terminisque conuenientibus enumerentur, sed, ut etiam ipsa medici relatio, Actis iudicialibus postmodum inferenda, ab Actuarii sic dicta registratura haud discrepet, atque in iudicio tandem, super omnibus repertis formando, omnium quoque rationum series sibi concinne respondeat, atque apto nexu cohaereat, ipsumque inde deducendum conclusum, praemissis conueniat, aut, si nimium dubius fuerit casus, illis potius iudicium committatur, qui pleniore peritia et autoritate instructi, re coniunctim in utramque partem pensitata, omni contradicentium calliditate superiores existimandi sunt. Non ignotum quippe est, saepissime defensores, in istiusmodi relationibus impugnandis, aliorum medicorum ut adiutorio, atque autoritates autoritatibus opponendo, vel rariora exempla excitando, aut contradictiones extorquendo, aliisue modis, contrariam suam, in reorum fauorem egregie exornatam sententiam, iudicibus commendare solere. Maxima eapropter cura id agendum, ut de euidentissimis signis, foetus instante partu uiuentis, atque ipso quoque partus tempore uiui editi, certo constet, utque deinde signorum et causarum mortis inductae, exactissima habeatur ratio. Ipsam omnino puerperam, aut de puerperio suspectam, etiam explorandam esse, an puerperii recentioris sufficientia adsint indicia, vix opus erit monere, quandoquidem occultatae grauiditatis, et negati puerperii circumstantiae, hanc disquisitionem ultro efflagitant; quibus

VIII

quibus tamen signis, hic vberius exponendis immorari haud opus est. *) Plurimum tamen interest, ipsius foetus mortui maturime suscipere lustrationem, ne, cum ex diuturniore mora, plenariam contraxerit putredinem, corpus delicti nimium mutatum, totum inspectionis negotium irritum, vel certe dubium valde reddat. Cum vero variis admodum modis, scelestissimae matres in foetuum suorum vitam faeuire consueverint, indeque non semper euidentissima violentiae, qua mors necessario inducta fuerit, primo intuitu compareant signa, tam externarum quam internarum partium diligentissima opus esse disquisitione, vltro omnino consequitur. Poterat enim, quod factum fuisse, plus vno constitit exemplo, minimae aciculae ope fontanella pertusa, mortem induxisse, cuius violentiae adeo exigua compareant signa, vt vel oculatissimi medici effugere facile queant attentionem. Ne minimum adeoque momentum praetermittendum, ne minima quidem regio negligenda, quin summa cum accuratione exploretur, quandoquidem strictissimum omnium plagarum, macularum, tumorum, vulnusculeorum cet. instituendum esse examen, medicinae forensis leges, atque criminalium iurium statores, et praecipiunt, **) et ipsa rei grauitas exigit. An vero, et quousque vixerit infans, de cuius morte, quocumque demum modo inducta, per inspectionem cognosci debet, vel maxime inquirendum est, quandoquidem vulgarissima semper in promptu est nequissimarum istarum puerperarum excusatio, se mortuum peperisse foetum; quod, quantumuis in partu clandestino, atque sine vilo aliorum adiutorio, subito expedito, vix vnquam possibile esse, artis obstetriciae gnaros haud fugit, eo luculentioribus tamen refutatur signis, ex physiologia comprobandis, et ex indiciis violentiae vel negligentiae, corpusculo vitam adhuc ducenti adhibitae, atque vt causa mortis considerandae. Ipsa foetus perfecte formati, atque maturi conditio, omniumque partium concinnitas, praestans fati vitae, ad partum vsque ductae, dant signum, per se quidem nondum sufficiens, cum aliis tamen conciliatum, magnum admo-

*) Vid. Magnif. LVDWIGII *Institutiones medicinae forensis*, Lips. 1765. editae, §. 239.

**) Vid. Constit. Crimin. Carolin. art. 147.

admodum pondus habens, summamque probabilitatem, de vita, ad partum vsque vegeta, subministrans, indeque grauem satis suspitionem, de violentia illata stabiliens. Vti vero porro, ex sanguine, in cavitare cordis, maioribusque vasis coagulato, de infante ante partum mortuo, indubitatum petendum est argumentum, ita e contra, ex cavitatibus et vasis sanguine vacuis, omni exceptione maiora, vitae, ex motu cordis, et circulatione suppressa violentius sublatae, capiuntur indicia. Non minus, ex notabili illo, neque vnquam negligendo, pulmonum, aquae vel innatantium, vel in eadem submersorum experimento, constantissimum vitae mortisue petendum esse signum, vix est quispiam, qui, dummodo physiologiam vel a limine saltem salutauerit, ignorare possit, vtpote cum ex pulmonum, aquae supernatantium, ab aere hausto facta expansione, indubitatum de respiratione, adeoque etiam de vita infantis, formandam esse conclusionem, euictum est; quicquid alii de putredinis opponant effectu, cuius quippe tanta sit efficacia, qua etiam pulmones, qui nunquam antehac respirando aerem hauserant, in aquae superficiem eleuari queant; huius enim obiectionis, adeo lubrica, atque parum determinata sunt pondera, vt potius propter quam plurima tentamina, hac in re instituta, nullum amplius Ordini nostro relictum sit dubium, quo, vt ab hoc, ex pulmonibus petendo signo recedamus, commoueri cupiamus. *) Est nihilo secius in pulmonum exploratione, ea propter caute admodum versandum, quoniam nonnunquam alter pulmonum lobus in aqua subsidens, alter vero ipsi supernatans, vel vterque aliquantisper emergens, mox vero fundum petens, dubium vitae statum indicare poterat; quapropter etiam, cum induratus, aut alia quacunque de causa, a naturali conditione recedens repertus fuerit, cunctorum istorum momentorum exacta habenda est ratio, et, si praeterea morbofi quid repertum fuerit, in relationibus medicis diligenter adnotandum, ne praecipitante nimium opere quidpiam agatur,

*) Conferantur, quae etiam hac de re exposuit TEICHMEYERVS in *Institutionibus medicinae legalis*, Cap. XXIV.

X

agatur, quod post modum, re ad Collegia medica delata, reprehensione dignum existimetur. Quae de foetu, in ipso vtero iam tum respirante, abs nonnullis opponuntur hic fusius diluere non est opus, cum a praeternaturali situ, atque difficiliore partu, ad naturalem, cumque sola peperit mulier, nulla hic valeat applicatio. *) Sed ipsa quoque violentiae illatae vestigia, vitae praegressae evidentissima dant signa. Huius violentiae documenta, vel in externis, vel in internis detegenda sunt partibus, utraque vero vitam foetus, in ipso partu, aut breui post ereptam, comprobant. Quod si nempe variae in partibus externis conspiciantur contusiones et sugillationes, de effuso hic cruore intercute, qui semper motum cordis supponit, indicium omni dubitatione superius prostat; cuius violentiae grauitas, ex locorum laesorum conditione et nobilitate metienda est; quo simili iudicio, de maculis et tumoribus, hic illic quandoque conspiciendis, decernendum est. Interiorum vero partium status, v. c. vasa insigniora sanguine vacua, cruor in cerebri cauitatibus collectus, aut sub caluaria et meningibus extra vasa haerens, mortis ex grauiore causa externa inductae, non poterunt non aperta haberi signa, maxime, cum ex chordae vmbilicalis resectae aut disruptae neglecta deligatione, haemorrhagia letalis cognoscitur. Quo saepius vero cunctis his, aliisque pluribus, alio quoque tempore uberius exponendis, vitam et mortem foetus concernentibus signis, adeo multa quoque opponi solent argumenta, speciosis magis praeiudiciis exornata, quam veritati atque principiis medicis conuenientia, eo maiore cum solertia, in iisdem disquirendis, enumerandis, ponderandis, atque caute diiudicandis, medico secanti versandum esse, ultro patet. Hac enim ratione, Colegiis medicis vberima subministrantur subsidia, constantiore sententia, coriaceas saepe defensorum obiectiones destruendi, atque de ipsorum factorum veritate decernendi. Illustrabit ex parte haec, quae breuissimis praefari licuit, casus quidam, ab Ordine nostro, aduersus defensoris argumenta, ex rationibus dubitandi facile perspicienda, ita nihilo secius ex fundamentis physiologicis decisus, ut inde nihil, quod in infanticidae verti potuerit fauorem, euiectum fuisse, intelligatur.

Aus

*) Pluribus conferrī poterit Magnif. L v d w i g i v s I. c. §. 250-255.

Aus denen Uns zugeschickten Actis, contra M. N. wegen beschuldigten Kindermordes, haben Wir ersehen, was massen Inquisitin, jüngstbin am 15. Sept. ein Kind gebobren, und solches, nachdem es, dem Vorgeben nach, im Kuhstall bey der Geburt, auf die, fol. 15^b beschriebenen Steine abgeschossen, in das Wasser getragen, worinnen es den 27. gedachten Monats gefunden worden, und das, bey erfolgter Section, an dessen lincken Seite des Hauptes, sowohl äusserlich einige superficielle laesiones, als ob der Kopf an etwas spitziges gestossen, als auch unter der Haut, in denen musculis, frontali, und occipitali, bis an den Hals erwäbnter Seite, starcke fugillationes, wie nicht weniger supra orbitam des lincken Auges, eine Beule in Grösse einer welschen Nuss zu befinden gewesen; wie denn ferner der, drey Spannenlang von Inquisitin selbst, fol. 66. ad art. 36. nahe bey der placenta abgerissene funiculus umbilicalis, flaccidus und collapsus, und der Lungen lincker lobus im Wasser schwimmend, der rechte aber, in selben stuckend befunden worden, wie alles aus der gerichtlichen Registratur fol. 19. und des Medici Bericht, fol. 23. mit mehreren zu ersehen. Wenn denn der Medicus und Chirurgus, so die Section verrichtet, in Ansehung der vitalitæt des Kindes, ihr iudicium suspendiret, im Gegenheil der Defensor, in der, fol. 88. seq. übergebenen Defensions-Schrift, zu erweisen suchet, das das Kind vor der Geburt gestorben, und todt auf die Welt kommen, und dabey über folgende Frage:

Ob bey denen, fol. 18. registrirten, und fol. 23. berichteten, auch von dem Defensore, fol. 88. seq. angeführten, sowohl von der Inquisitin selbst in Actis bin und wieder angezeigten Umständen, angezogenes Kind todt oder lebendig zur Welt gekommen?

Unser in arte medica gegründetes Gutachten verlanget wird; So geben Wir ꝛc.

Obzwar Defensor anzuführen weis, das die am Haupte wahrgenommene fugillationes, aus welchen vitalitas foetus möchte geschlossen werden, keinesweges von einer, dem Kinde nach der Geburt zugesügten äusserlichen Gewaltthätigkeit, sondern vielmehr von der schwe-

ren Arbeit, und besonders von einem Falle, den Inquisitin bey schwangern Leibe gethan, herzuleiten, und wodurch zugleich des Kindes Tod vor der Geburt befördert werden mögen; Hiernächst das Schwimmen des lincken lobi pulmonis auf dem Wasser, nach des Defensoris Meinung, von der Fäulniß, nicht aber von der respiration des Kindes entstanden, bevoraus, da in praesenti casu, der rechte lobus der Lungen ganz, auch ein Theil des lincken lobi im Wasser gesunken, welches sonst als ein Kennzeichen einer todtgebobrnen Frucht pfleget angesehen zu werden; zu geschweigen, daß man nicht wohl begreifen könne, wie die Lunge, vermittelst der respiration, nur in einem lobo, und zwar, gleichwie in gegenwärtigen casu, bloß in einem Theile desselben, von der Luft könne expandiret werden; folglich es das Ansehen gewinnt, als ob mehr erwähntes Kind, vor der Geburt in Mutterleibe verstorben, und todt auf die Welt gekommen sey.

Dennoch aber, und dieweil aus den Acten zu ersehen, daß
 1) Inquisitin, fol. 12. 64. ad art. 23. bey aller ihrer Arbeit sich in acht genommen, auch die Erfahrung sattsam bezeuget, daß schwangere Bauersweiber, bey dergleichen Arbeit, frische und gesunde Kinder pflegen zur Welt zu bringen; 2) der Fall, auf welchen sich Defensor insonderheit beziehet, nach Inquisitin Aussage, fol. 113^b. zwövey Wochen nach Ostern geschehen, und aber die Geburt den 15. Sept. und also nach Verlauf von 20 Wochen erstlich erfolget, mitbin gar nicht abzusehen, wie, daferne dem Kinde damahls die fugillationes am Haupte zugefüget worden wären, diese so lange bestehen, oder das Kind, bey so gewaltigen laesionibus capitis, unter sothaner langen Zeit, zur Vollkommenheit gelangen mögen, da gleichwohl selbiges bey der Inspection, als ein Kind, so an allen Gliedmassen vollkommen, und alle signa eines partus maturi an sich gehabt, beschrieben vird; 3) Inquisitin Geburt sehr leichte gewesen, massen fol. 62. 69. ad art. 51. fol. 71. ad art. 62. fol. 75. ad art. 80. das Kind, als sie in den Küßkall gekommen, sofort stehend von ihr auf die Steine geschossen, einfolglich das Kind, durch die Geburt an und vor sich selbst, keine Gewaltthätigkeit am Haupte erlitten, und dabero sich veroffenbaret, daß

das die considerablen fugillationes capitis, die gleichwohl motum cordis, und vitalitatem foetus zu erkennen geben, dem Kinde weder während der Schwangerschaft, noch auch durch die Geburt, sondern nach der Geburt, gewaltsamer Weise sind beygebracht worden; 4) Bedencklich ist, das, als Inquisition, fol. 70. ad art. 60. die Nabelschnure von der Nachgeburt abgerissen, selbige geblutet, so man wohl bey lebendigen, nicht aber bey todtten Kindern zu beobachten pfleget. Und, da auch 5) in dem medicinischen Berichte fol. 23. von einer putrefaction der Lunge, keine Meldung geschiehet, sondern bloss in selbigen vorgegeben wird, das die Lunge roth und weich gewesen, und das äusserlich am lobo sinistro einige vesiculae in superficie membranae vabrngenommen worden; und aber diese Beschaffenheit der Lunge, dessen putredinem, gleichwie in der gerichtlichen Registratur fol. 18. gemeldet wird, und von welcher Defensor, nach einiger medicorum Meinung, das Schwimmen der Lunge auf dem Wasser herzuweisen suchet, noch lange nicht erweist; und daferne 6) das Kind, obenbeschriebener massen, von Inquisition stehend auf die Steine geschossen, durch diese, und dergleichen gewaltige Erschütterung des Hauptes es geschehen, das das Kind, obwohl es gelebet, dennoch nicht vollkommen respiriren mögen, und, vvarum bloss ein Theil der Lunge, die Luft an sich gezogen, und auf dem Wasser geschwommen, hieraus klärlich erbellet; auch endlich 7) aus denen Acten sattsam zu ersehen, das Inquisition, vor, bey, und nach der Geburt, sich außerordentlich wohl und gesund befunden, und dieses nicht allemal bey todtten Kindern pfleget angemerket zu werden; So halten Wir, bey so bevandten Umständen, und nach denen principiis medicinae dafür:

Das mehrerwähntes Kind, lebendig auf die Welt gekommen, und durch äusserliche Gewaltthätigkeit uns Leben gebracht worden sey.

Sunt vero etiam, vitae academicae bene actae signa, atque ingeniorum, studiis et moribus optime formatorum documenta. Haec, quandoquidem

VIR
 CLARISSIMVS ATQVE DOCTISSIMVS
 DOMINVS
GVSTAVVS DETLEV BRETTEING
 MEDICINAE BACCALAVREVS DIGNISSIMVS,

adeo luculenta edidit, vt non possit non, propter egregiam suam doctrinam, et laudari, et publicis praemiis ornari, haec ex Ordinis nostri decreto propediem capturus est. Qua vero ratione, et quibus ducibus, studiorum suorum emensus fuerit stationes, vitae eius, breuibus vti moris est exponendae, enarratio edocebit.

Natus est *Hamburgi*, eruditorum non minus fama, quam negotiatorum prudentia celebri republica, *tricesimo quarto* huius seculi anno, *sexta* post *decimam* Octobris die. Patrem coluit IOANNEM DIETERICVM, negotiatorem probum et industrium, ante hoc biennium vita functum; matrem vero, ANNAM MAGDALENAM, e gente MATSENIA oriundam, superstitem adhuc veneratur. Fidum religionis atque litterarum doctorem, praeter alios habuit Plur. Rev. SCHROETTERINGKIVM, nunc ad aedem, angelorum principi Michaeli sacram, ecclesiasten. Cum postmodum de studiorum genere eligendo cogitaret, artis medicae amore ductus, *Revaliam* Liouonum sese contulit, ibidemque in BURCHARTI, Med. D. et poliatri officina pharmaceutica, illic celebratissima, per aliquot versatus est annos, cognitionem rerum, quae hic tractantur, medico vel maxime necessariam esse, haudquaquam ignorans; in qua cognitione uberior perficienda et amplificanda, huius patroni beneuolentia et humanitate suffultus, atque FEDDERI, rei pharmaceuticae non minus periti viri institutione adiutus, ex voto profecit. Non tamen soli huic arti inhaerendum esse intelligens, ad altiora progredi constituit studia, atque humaniorum litterarum culturam, omnem hominem ornantem, medicis quoque iunxit disciplinis. In quo tramite, minore cum difficultate emetiendo, et laudati BURCHARTI, et post eius obitum, viduae ipsius, matronae venerandae, factum fuit liberalitate, vt hospitio, quo adeo beneuole ante hac exceptus fuerat, si-
 bi

bi diutius frui, atque studiis suis laetius incumbere liceret. Reuer-
sus tamen tandem in patriam, per semestre spatium ab Exper.
HOERMANNO, Med. D. synopsis anatomiae et physiologiae accepit,
a Praeclar. BÜSCHIO autem, Professore, mathematicas disciplinas edo-
ctus fuit; indeque optime praeparatus, anno huius seculi *sexagesi-
mo quarto*, Lipsiam adiit, ab Ill. BOEHMIO, tunc temporis magi-
stratum academicum administrante, tabulis ciuium nostrorum inscri-
ptus. Ex hoc tempore, vniuersam philosophiam et physicam, in
scholis Magnifici WINKLERI, fasces academiae iam octauum tenen-
tis, edidicit; humanitatis vero praeceptis, a Praeclarissimis trium-
uiris, GELLERTO, KLAVSINGIO, et MORO imbutus fuit, in me-
chanicae scientiae dogmatibus, a Clar. BORZIO institutus. Illarum
dein doctrinarum, quae ad ipsam salutarem artem pertinent, addiscen-
darum ergo, praestantissimos audiuit doctores, haecque orsus est stu-
dia, duce Exper. POERNERO, quem in chemia dogmatica, et exper-
imentis illustrata, itidemque in materia medica secutus est. Exper.
GEHLERO, in botanica, arte obstetricia, et mineralogia adfedit;
Exper. KRAVSIO, structuram et morbos oculorum exponenti, ope-
ram dedit; Excell. BOSIO, in botanica, anatomia et physiologia,
atque Excell. POHLIO in anatomia auditor fuit. Summopere vero
laetatur humanissimam Magnifici LVDWIGII, Decani nostri venerandi
facilitatem, qua ab ipso in discipulorum numerum receptus, ex eius
doctrina egregie profecit; cuius adeoque scholas, in quibus metho-
dum doctrinae medicae vniuersae, pathologiam, therapiam genera-
liorem et specialem, chirurgiam, et medicinam forensis tradidit,
cum fructu frequentauit; neque minore cum utilitate exercitationi-
bus eius practicis interfuit, atque praeterea amplissimi quoque eius appa-
ratus librarii, prudenter in sui usum vertendi, oportunitatem fuit
nactus; quam, praeceptoris sui benevolentiam, atque solidam non
solum institutionem, verum etiam consiliorum, quibus sua iuuerit
studia, fidelitatem, pia grataque veneratur mente; eodemque pieta-
tis affectu, Excell. BOSII prosequitur fauorem, quo duce, aegros in
nosocomio nostrate decumbentes inuisere, atque in morborum va-
riis

riis generibus, mutationibus, medendique methodo cognoscendis, proficere sibi licuit. Praeterea quoque, in exercitiis disputatoriis et examinatoriis, Exper. POERNERI et REICHELII vsus est informatione; atque hinc profectuum haud vulgari instructus apparatu, Ordini nostro rationem studiorum suorum reddere constituit. Qua propter superiore anno, mense *Iunio*, in primo comparuit examine, atque post responsiones aptissime datas, laureae primae honores tulit. Mense postmodum *Novembre*, ex cathedra medica, *de metodo, in medicamentorum vires inquirendi*, erudite admodum exposuit. Sub finem *Aprilis* huius anni, ad alterum admissus examen, quod rigorosius est, ita RECTE ad practicas quaestiones respondit, vt summis honoribus dignus, omnium censeretur suffragiis. Quos ante, uam consequeretur, breuem ad metallifodinas Saxonicas fecit excursionem, atque ad vicinorum quoque Bohemicorum fontium scaturigines transit; ex quo itinere reuersus, uenia sibi data vsus fuit, ex cathedra medica disputandi, suamque, a se conscriptam Dissertationem inauguralem, *de ratione medicamentorum, ad corporis humani conditionem accommodata*, sine Praefide, adfidente moderatore atque compellationum honorificarum interprete, Exper. REICHELIO, medicinae Professore, aduersus dissentientes propugnandi.

Cum vero, post ultimum hoc specimen, nihil Candidato nostro sit reliquum, quam vt summis honoribus, diligentiae suae fructibus, locupletetur, ego, pro ea, qua ad hunc actum clementissime instructus sum, Procancellarii autoritate, ipsi proximo Veneris die, XII. Iun. Licentiam conferam, Doctoris in arte medica gradum capessendi. Splendidiorem huius festiuitatis opto solemnitatem, atque eapropter Vestram, RECTOR ACADEMIAE MAGNIFICE, COMITES ILLUSTRISSIMI, PROCERES VTRIVSQUE REIPUBLICAE GRAVISSIMI GENEROSISSIMI ATQUE NOBILISSIMI UNIVERSITATIS HUIUS LITTERARIAE CIVES, honorificam, qua decet obseruantia et humanitate, mei Ordinis, meoque nomine, exoritam cupio praesentiam, atque in audienda breui paraenese, qua *de coelibatu, medicis fugiendo* dicturus sum, patientiam. De quo insigni, propensionis et fauoris in Ordinem nostrum documento, ego, qui et mihi huius beneuolentiae partem vindico, vti vehementer laetabor, ita in gratis ea propter quoque referendis, meo me haud defuturum officio, sincerissima fide polliceor.

P. P. Festo Pentecostes, A. R. G. MDCCLXVII.

LIPSAE, EX OFFICINA LANGENHEMIA.

ULB Halle
003 719 014

3



W78





1767, 26.



MEDICORVM
 IN
 TATE LIPSICA
 H. T.
 CELLARIVS
 GVILIELMVS PLAZ
 VLT. MED. SENIOR DECEMVIR
 G. COLLEGA ACAD. IMPERIAL.
 VRIOS. SOCIVS
 IN MEDICAM
 A. R. G. MDCCLXVII.
 D I C I T
 ET
 ATTENTE EXPLORANDIS
 NE QVARTO
 P O N I T.